

হ্যাকিং নয়, রিজার্ভ চুরি ডিজিটাল ডাকাতি

প্রকাশ : ২৯ মার্চ, ২০১৬ ১৮:১৯

বাংলাদেশ ব্যাংকের রিজার্ভ থেকে ৮ কোটি ১০ লাখ মার্কিন ডলার চুরির ঘটনাকে ‘ডিজিটাল ডাকাতি’ বলে অভিহিত করেছে বিএনপি। তাদের দাবি, ব্যাংক লুটের ঘটনাটি কোনো হ্যাকিং বা ম্যালওয়ার ভাইরাসের কারণে নয়, বাংলাদেশ ব্যাংকের ‘ক্ষমতাপ্রাপ্ত ব্যক্তি’ এ কাজে জড়িত।

বিএনপি চেয়ারপারসনের রাজনৈতিক কার্যালয়ে ‘বাংলাদেশ ব্যাংকের ১০১ মিলিয়ন ডলার (৮০০ কোটি টাকা) লুণ্ঠন একটি বিশ্লেষণাত্মক পর্যালোচনা’ শীর্ষক এক সংবাদ সম্মেলনের আয়োজন করে বিএনপি।

কীভাবে, কারা এই ঘটনার সঙ্গে জড়িত এ তথ্য জাতির সামনে তুলে ধরতে সরকারের প্রতি আহ্বান জানান তিনি।

বাংলাদেশ ব্যাংক ‘ফায়ার-আই’ এবং ওয়ার্ল্ড ইনফরমেটিকস কোম্পানি দুটিকে অর্থ কেলেঙ্কারির বিষয়টি তদন্ত করার জন্য নিয়োগ করা হয়েছে। ‘ফায়ার-আই’-এর এ পর্যন্ত পরিচালিত অনুসন্ধানের ফলাফল ভিডিওচিত্রে দেখানো হয়েছে।

ফায়ার আই’-কে উদ্ধৃত করে বলা হয়, ‘বাংলাদেশ ব্যাংকের সুইফট নেট সফটওয়্যার পরিচালনাকারী সিস্টেমে কোনো সমস্যা পাওয়া যায়নি। ‘ফায়ার-আই’ দেখেছে, বাংলাদেশ ব্যাংকে ব্যবহৃত ৩২টি কম্পিউটার ম্যালওয়ার দ্বারা সংক্রমিত হয়েছে। কিন্তু ওই ৩২টি কম্পিউটারই ফায়ার-ওয়াল ব্যবহারের মাধ্যমে সুইফট যন্ত্রপাতি সংস্থাপিত এরিয়া থেকে বিচ্ছিন্ন বা আলাদা করা আছে।’